



藏書

疊山集卷之八

墓銘

平山先生母制機墓銘

人與天地並立為三才形氣有小大人豈小於天地哉衆人與聖人皆可為堯舜知覺有先後衆人豈後於聖人哉古之君子學足以見天地聖人之大全意一誠天下國家與吾心為一誠一至天地人物與吾性為一可言而不可行為其事而無其功非儒道也宋朝喜用儒能談理性書者取穹官如執左券五帝三王自立之中國乃滅於儒術盛行之時豈不大可

里生潭石黃潭



藏書

哀乎吾讀平山先生母公行實未嘗不流涕太息安
得斯人與之論儒道哉公仁人也少年見蜀人死於
亂離如痛入肌髓收遺體露骼藏之叢冢者以萬計
流亡苦寒飢賴衣食以更生者又幾萬人帑不留錢
廩不留粟悉傾倒施捨以活民命家以此屢空嗟乎
一少年書生惻隱滿腎懷真能以天地萬物為一體
豈非英雄人哉其尉安化也峒岷作亂單車半夜入
甍黠篁竹間推赤心曉以禍福開其生路凶渠感恩
羅拜至泣下民社以寧糴谷萬餘石為社倉有凶歲
四境無餓民邑庠不養士始闢齋舍豐廩庖日以六

籍四書講明士皆篤文行令有當為之事而不為者
公皆為之士民愛戴如父母其攝令衡陽也善政與
善教並行百姓得懽心而歌舞之無以異於安化也
部使者交薦堂除南康令公辭曰世與道交相喪久
矣人物凋零願作一冷官為國家育英才可乎分
公黃州兼領雪堂河南兩書院事程蘇二先生道不
同而其趨一公為諸生明辨既知其所以異又知其
所以同教人必明體適用文武無不能精粗皆可以
為湖學再行於斯世功臣貴將子孫皆願立講下江
淮湖右後進生經公講畫有文名者尤多公江兩帥

借隆望以精神一閫衛靈公豈能知仲尼哉除可耳
公養耳後帥辟為幹辦公事又辟主管機宜文字雖
不能委心受教公竭智殫慮葺罅漏猶能護一面
風寒叛膽敵心有所憚不犯副閫界時宰頗知公除
禮部架閣仍贊軍機任改秩襄圍急將相皆天奪其
鑒陽援而陰棄公有策可以解圍可以弭兵可以使
南北百萬億蒼生全性命知時宰必不用襄必陷國
必亡天下必大亂憂憤成疾竟以庚午閏十月十三
日終于黃州官舍家無餘財厥子無以終大事軍民
悲憐歛殯塋祭諸費皆閫帥給之公諱廷瑞字仁叔

家世河中之龍門後唐同光丙戌高祖平章毋公昭
裔從孟知祥入蜀遂家焉公生於成都中進士第興
元府推官諱岩老官其曾祖登科宰南溪諱諫者其
祖太學上舍生諱自誠者其父生於己卯享年五十
二娶劉氏生三男遇辰逢辰應辰皆以奇才實學為
達官當方面者所知繇進士選舉入仕或辭祿廬墓
或貳郡或丞邑止者得伯夷柳下惠之仁仕者合伊
摯呂牙之道皆豪傑士也逢辰仕建安條上四十事
說達官為生靈留一髮生意人望翕然辛未正月十
一日子孫奉公柩塋於興國軍大冶縣鄉曰永豐里

曰白雉原曰黃龍山嗚呼公生而英偉年十二記六
經已能通大義作賦早有聲春秋程文冠一郡恢廓
有大志惠義而力仁為布衣已能哀憐鋒鏑遺黎瘞
死者活生者皆以萬計吾所謂古之君子學足以見
天地聖人之大全意一誠而天下國家與吾心為一
誠一至而天地萬物與吾性為一此之謂儒道公其
庶幾乎鄉三貢始登己未進士第仕止一掌故佐邊
閩其沒也年方五十二諸公貴人苟能用其材行其
道豈不能轉亡為存易亂為治天與人不合世與道
相違惜哉吾歷覽前史渡江後賢相如張公德遠虞

公仲言趙公景溫游公景仁謝公德方皆蜀人也雖
不能用太平如慶曆元祐時其心真足以合天其德
真足以服人亦可以為大臣矣使公不死其才必大
用用則必無愧於五君子一賢之壽夭吾道之行廢
與國脉世運相關豈特其一身之不遇為可恨哉王
晉公范文正平生喜種陰德子孫食其報人以為天
道可必毋氏之後其夫乎枋得與公仲子相識晚而
相知深請予銘公墓乃銘曰

才可以扶國之亡而為興道可以挽世之降而為升
天不假孔明公瑾以年人已知漢業之必傾計公平

生之陰德非古之大丈夫則不能黃河之源不可窮
則奔流萬里而入海松根之茯苓不可斲則柯葉千
歲而長青匪春種而秋獲信雲族而雨盈志有續而
道有傳必長拔巔崖辛苦之蒼生而見其清平

疊山集卷之八

疊山集卷之九

里生潭石黃溥編

說

秋日說

元祐黨人之子孫能不忘其祖抗志礪行俾人知樵
陽上官氏有後如君者亦罕矣君以秋旦自號此意
豈易與今人言哉天地間一年之氣莫清於秋一日
之氣莫清於旦人與天地相似者血氣也有能反觀
吾所性所樂於此時者幸以藐然之軀與天地並立
為三極可無愧矣冬之閉者春之發晦之息者明之
見學之誠者動之神聖人合夜氣旦氣行啓我者昭

昭君固不必問予亦不必辨吾聞道家書有云太微
清都不晝不夜其氣常如六月之清且是不是然不
然吾不敢臆決也姑以理測之氣之輕清者浮而為
天必有真宰主乎其中日月運轉乎其下光芒輝彩
豈不呈露乎其上彼且不知雷電風雲霧雨霜雹為
何物俯而視之九萬里下浮埃之濛濛遊氣之冥冥
俗物之茫茫人心之膠膠曾不足獻吾一笑斯人也
斯志也不快不慕豈尚秋且而已哉嗟乎木蘭不常
有見其墜露則飲之秋菊不常有見其落榮則飡之
賢者不得見而見其象古之人不得見而見其似寧
能無虛空跼然之聲乎元祐黨人之子孫有文學有
才智有行義如君者豈易得哉惜乎吾道久與世人
相違吾言不足為子贈也人間之氣莫清於秋且儒
家所能言君家所已知也天上之氣常如六月之清
且儒家所不言君亦未可忽也

江仲龍字說

陶靖節心與天一神遊天外俯視六合何物茫茫始
淵明而終元亮君子憐之菊豈願為隱逸哉以靖節
而隱顯之者亦靖節也建安江君自名應隆自號曰
菊隱求字於予孔明長笑隆中時人皆以伏龍待之

宜以仲龍字大丈夫生於亂世消息盈虧惟天所命窮則晉處士達則漢丞相吾俯仰無愧怍矣孟子曰易地則皆然顏子曰有為者亦若是或曰子言善矣彼豈有此志乎噫不志者不志之必有志者志之矣

跋

鷺洲書院記跋

廬陵郡屬邑泰和有龍洲前邑宰愛其勝壘石為基創為書院大丞相文忠公周公記之或謂文忠公曰邑有學矣非贅乎文忠曰三代盛時自王畿建於六鄉六遂為學者二為庠者十二為序者三百諸侯三

鄉三遂庠序常半之家塾猶未論泰和子男邦也略考圖籍浮屠之居百區老子之宮亦十五區而額存屋廢者不與焉歐陽公著本論謂三代之民不從事田畝則從事禮樂不在其家則在庠序是以王者之政明聖人之教行雖有佛老無自而入今也昔之庠序皆轉而為寺觀何不疑於彼而疑於此也是邦先賢所以主張學校如此白鷺之於龍洲同一章貢水也周文忠節即世四十有八年而有書院于此書院之與郡庠相望一水設謂教化有不切能不以贅得之雖然由文忠之說則吾邦雖復數書院猶以不為

足也

大學解義跋

大學解義一篇臨川老儒徐公著述也朱文公平生精神志願悉在四書後進剽竊緒餘高可以取卿相下亦投合有司而掇巍科天下家藏其書人尊其道與六經論語孝經孟子並行惜乎知之者尚未致行之者尚未力四書何負人人負四書亦多矣是編初意豈欲發朱文公言意所未盡者邪抑尊信文公之學誠求實踐自不能已於言者邪厥十以示某某覽盡卷不能贊一辭所望於徐公之子者惟於力行二字加意焉俾人知朱文公之學不徒議論要見樸實則此編亦必為世所尚矣

蕭冰厓詩卷跋

詩有江西派而又清昌之傳至章泉澗泉二先生詩與道俱隆自二先生沒中原文獻無足證江西氣脉將間斷矣幸而二先生所敬者有澗谷羅公在巍巍然穹壤間之魯靈光也冰厓乃澗谷所知詩家因取其計二十六刊以示余逃虛空而聞足音也觀其詩可以知其人歲在癸未清明日龍虎山敬題卷後

疊山集卷之九

疊山集卷之十

里生潭石黃溥編

啓

代宗臣正啓

恭審王春尊周人統用夏宗臣垂法一新正月之觀
 同姓上封獨載內陽之泰受天靈貺必世英賢恭惟
 某官仁意春生道心日麗天才俊逸合吟紅藥於東
 風佛性清高獨愛青蓮之明月風飄飄而遠引麟振
 振而誰知詩禮楚交加意穆生之醴英雄元德留心
 康成之言知學問之無窮宜德業之可大想見斯時
 之草木未忘故國之山川江曲新蒲動野老行吟之

志宮前嫩柳懷上皇攀折之恩頌消西北之嚴凝廣
布東南之溫厚掃清颶霧見舊日之官儀充滿乾坤
賀今春之喜氣某草心游子花淚逋臣嫋嫋秋風思
公子而遠望萋萋春色恨王孫之不歸愧無存趙之
忠空有依劉之幸詩懷雲樹清樽即日而論文夢遶
烟花紫禁何時而獻頌後賀禮簡前期心長

代賀丞相正啓

鳳紀更端復對堯天之曆龍躔回次又新夏正之初
維時元勳坐膺純嘏恭惟某官勲高王室忠藎帝心
以道德而位三公應千載明良之運理陰陽而遂萬
物成億年替定之功宜誕受於春祺用永扶於皇極
某一違鈞範五見歲華身在西陲阻効栴觴之祝神
馳東閣輒輸竹簡之誠

又

天序更端人正啓旦寔四方之資始慶萬物之咸亨
伏惟某官道冒羣倫德隆間世服華夷之重望建社
稷之茂勳坐隆師席之儀刑益重聖朝之羽翼為國
碩艾四方咸聳於具瞻享時休嘉百福同資於康壽
某屬臨獻歲 跪 觴仰企崇壙益 飲
代干丞相免追筭功賞錢糧啓

出車還役方吟洗甲之詩計簿見疑乃有償金之責
此生此日惟公惟天切以黃石談兵無賞豈能得士
孔明治國散財斯可聚人任危事者異平時圖大功
者忘小費陳平用間盡捐四萬之黃金季子合從豈
止一雙之白璧上不問其出入之數下得神其鼓舞
之權故能離敵國骨鯁之臣終於滅楚連異姓兄弟
之國足以弱秦洪惟仁厚之朝善用英雄之士羣臣
分鎮州郡之粟可移百里皆兵府庫之藏不借昔我
寧考若公先王當輪臺悔用兵之餘以淮閩礪復讎
之志捐期征伐誓還萬里之封疆傳檄招徠盡致兩

河之豪傑雖仗義而有感豈吝財而可為想盛時不
計分穀之微故忠臣得為社稷之計孔明不死雖復
漢以何難召虎再生此興周之有望誰謂武皇虛耗
之日頗有秦季督責之風車麟馬蕭惟恨捐金之晚
弓弭矢箠即云上簿之欺始因一二事之可疑併與
千萬人而不信為父權子寧不痛心以君使臣亦必
有禮伏念某承家忠義賦性狂愚參中原文獻之傳
頗知衣節得安定體用之學不事空談辛苦兩科棲
遲幾載流涕讀興元之詔血誠起雍丘之兵清朝將
以勸忠宣幕因而倣寵非有祖狄千人之廩又無張

巡百里之權用官券能幾何得義士以萬計戍兵絕
餉間逢子敬之指困大姓假錢多籍軍師之作保方
狂虜入清江之境以孤軍守臨汝之城悍將武夫固
有坐而觀者監司太守幾欲委而去之乃以三州責
之一士賴元勳再整乾坤之力使內地不見師旅之
勞豈期全軀保妻子之臣皆譖人者不念援袍先士
卒之伍將屬子乎謗言來自貪夫貝錦成於邇列胡
銓義旅似蒙騷動之疑宗澤精兵竟以飢羸而散猶
幸坤大臣之容物有如秦君子之包荒未投光範之
書已拜明綸之渥真為知己豈但感恩其奈右司無

宰相之公心有負裕陵之訓本朝迺胥吏之天下果
如同父之言忽傳拘索之甚嚴木曰會計之已當千
金而慕徒木將取信於市人二卵而棄千城豈可聞
於鄰國况子文之家已毀顏氏之瓢屢空慈母忍貧
父闕南陔之養室人徧責何止北門之憂可憐平地
之無銅安得上天之雨玉強為師說誰資弟子以萬
鍾亦有誥身不直將軍之一醉興言及此撫已知危
主爾忘身公爾忘私願盡為臣之義寒不得衣飢不
得食亦為賢相之羞茲蓋伏遇某官忠孝通乎神明
度量包乎宇宙平生學問惟韓范可以齊駟不世功

名雖伊周未能遠過不以春秋而繩臣下每用皇極以受人才使稼軒之帑屢空無辭于罰若師魯之錢公使當辨其冤萬形有弊而惟理難磨一心合天則何事不濟矧小人之有毋尤君子之用情誰能憐措大之窮賜之十萬不敢受北軍之賞還以五千持在出爾反爾之間即為生我育我之造元金具在悔不如莊子之明璞玉猶存或可效卞和之獻

代干執政薦舉啓

關黃扉而熙萬類雖後陶甄揆華藻而被羣才敢希題品具輸悃款登徹崇嚴切以國家端出治之源宰

輔受舉能之責入則垂紳正笏日謁帝以進賢出則濡牘刻章歲限員而薦士維中外之同體共推揚之一心凡借齒牙立生羽翼曾謂駑駘之賤妄經舉樂之前如某者才謏命竒地寒族替弓治淪箕裘之緒鼎儀墜覆閱之傳顛躓窮途侵尋半世原念登門之始函蒙下榻之知時際秉鈞哀深陟岵適在幽隱之地莫逢造化之功墻角殘蔬自絕阿衡之鼎海隅斷梗空瞻傳說之舟既請字民庶諧將毋逮甫戍期之及會新遴選之嚴掃軌里屈已更六載易階京秩尚闕四章在行道已猶矜矧趨風之有舊恭惟某官爽

邦碩輔命世真儒嗣洪烈於臯夔統正傳於洙泗建
牙藩翰暫均剖竹之勞推轂英豪罔替拔茅之志倘
矜鎖陋當辱記憐賜之顧盼之隆假以扶搖之便某
謹當鏤膺載德銘已知恩是日崇墉獲厠登龍之列
異時大治願為附鳳之階

代干上司公庇啓

長榜書名誤玷掌彜之選遠方隨牒第深懷祿之情
豈不堪拜揖於上官將以受約束於下執切以難莫
難乎使之為宰能不能者皆自其人野王之請試長
安薛恭而僅理宋邑盤根然後別其器朝歌有意於

除姦美稻不可為之壘袁甫惟求於治劇雖事之繁
簡或異亦材之大小不同某誤着青袍濫紆墨綬不
能操刀使之製錦未嘗登車何以獲禽僅若落山陽
以尹鼯猯焉可治都昌而化豺虎第綢繆以結果徒
奔走於抗塵河陽號一縣花潘安仁豈於微官而敢
陋彭澤為五斗米陶淵明或以小兒而見羞矧廢置
之際未免鄰城之嗤而退進之間或遭官長之罵誰
為之地願出其門茲蓋伏遇某官氣養之浩然道識
其大者振鴛鴦之翼而騫翔路要垂虹電之光以耀
燿清朝我馬之維駒維騏維駱維駟暫屈咨詢之問

甘棠之勿剪勿伐勿敗勿拜將形聽斷之思賜環行
補於公卿推轂未忘於官屬某敢不班揚明令敬服
常歲惟學道切慕於弦歌而奉法願寬其轡策獻梅
花之賦敢期直指之稱誦木瓜之詩當盡厚報之意
其為欣抃曷旣敷陳

代干丞相遷除啓

丹衷激切夙懷知過之憂黃閣深嚴莫遂趨承之便
彌極朔風之慕敢稽脩敬之勤恭惟某官星斗垂文
乾坤廓量負五百年名世之傑展九萬里南溟之程
經綸四海而無所不長酬酢萬變而未嘗或屈大節

凜凜而可畏宏猷綽綽而有餘懷堯舜之道以致君
耻威文之事而在已朝廷由之為輕重天下係之為
安危自登槐席之尊益注楓宸之眷謀王體而斷國
論熙帝載而代天工坐隆兵寢刑措之勳益致俗阜
民安之效羣才登用庶政脩明一陶晏粲之期永輔
盈成之業明良際遇載賡虞氏之歌聖賢相逢願繼
王褒之頌切念某材猶樛櫟景迫桑榆一官奔走於
塵勞七任沈迷於簿領更有帝號之迫進無左右之
容栖栖嘆已之未逢落落與世而難合高山流水覺
之知音白雪陽春終乖寡和幸遇大鈞之播物况開

東閣以招賢既久託於幘幪當不忘於操履心同涸
轍願歸滄海之波迹類寒荻覬沐陽春之澤

代干杜按察追索書板啓

布衣命薄忘繡梓之羣書絲纒威行還青氈之舊物
誰誥季孫之賞盜親逢魯國之真儒吾有二天公如
十日切以萬形有弊長存道義之名千古在前難泯
詩書之澤微若書生之議論上關天運之文明秦火
無遺不焚御府之六籍蜀寇已慘尚留石室之九經
未聞孔孟之徒不勝跼蹐之焰造化必能為之主神
明亦自有其人伏念某才愧雕龍學幾刻鵠諸老文

章之印頗有傳成三代金石之碑亦嘗編集奈五窮
之難送慨萬卷之空蟠忍尋活計於錐刀寧問生涯
於梓匠簡無編竹似有益於國人書既同文願廣傳
之天下豈期狗鼠尤甚豺狼衆憐三篋之盡亡彼得
五車而自喜贖以金而不許毀於積則可憂凡為攘
竊之民恃有逋逃之主仲塗印昌黎之集自知不免
於貧唐僧失蘭亭之文恐抱無涯之戚不逢大造何
有餘生南山之判一傳符澤之姦大窘漢除庶吏盜
牛即日而來歸魯有素王竊玉踰時而書得兩載懷
亡弓之恨一朝喜去珠之還緬想西蜀之先賢起敬

捨遺之有道物皆吐氣恨無數十輩之使君士盡歡
顏頤見千萬間之庸厦當日未酬於素志老天必啓
其後人此蓋伏遇某官草堂嫡孫闕里先覺襟懷洒
落光風霽月之無邊志慮清明秋水長天之相映自
攬轡登車之後有遡川獨航之心正觀豈無謀謨孰
若如晦之善斷慶曆固多按察獨稱杜杞之長才不
惟山岳之動搖自覺乾坤之軒豁蠻夷不變吳當受
罰於春秋文獻足徵宋或可言於殷禮凡一予一奪
之際皆衆好衆惡之公治鑑可垂之無窮儒家各傳
之不朽幸斯文之未喪知我其天喜吾道之將行以

公為命感激辭短飯依心長

謝宋亦山惠米啓

右某啓伏蒙台慈餽白米十碩者言念瓊糜精潔豈
無騷客之糗玉粒馨香乃拜仁人之賜五升不糴一
飯知恩切以士必無求始能全於素節人言好施豈
盡出於誠心餽之儻或無辭受者不知何義萬鍾雖
富焉能浼於孟軻九百固多不可辭於孔子故簞食
惡其非道而壺飡可以得賢伏念某旅不齋糧師非
學稼菊飡蘭糗半生耻飫於肥甘不漸劔炊十載備
嘗於危苦亦羨粟有餘之農父甘為飯不足之廣文

少慕沂公何敢謀於溫飽晚同無已頗能忍於飢窮
豈無貸監河之書終不寫魯公之帖誰謂心腸之鐵
石尚憐氣味之金蘭青精欲轉其好容白粲忽驚於
愁眼儘堪負米動慈母之歡顏不畏絕糧見門人之
愠色五斗無折腰之愧三鍾可攘臂而遊雖免炊沙
終慙不稽吾能報德敢忘重施之秦輸人或有言何
獨不辭於宋餽共惟某官膏粱味義救粟飽仁士待
公秧何止閔憂於苗長民思我粒必能燮理而黍豐
爰命廩人無飢客子某敢不風歌授粢雅詠裹糧豪
傑襟期已見指困之義功名志願尚能倒廩而言辭
雖有窮意則難盡

謝人惠紙衾啓

平生真實不為布被之欺雅志孤高亦有紙衾之惠
寢興知感寤寐難忘切以荃壁葯房薄塵寮之帷帳
惹裳蘭佩笑濁世之綺羅觀騷人之清脩乃志士之
法則獨無竒服如此寢衣服木質之氛埃真成玉楮
敷竹床而瑩潔無異瑤臺近而南浦之名儒遠則西
州之耆俊儉於奉已銘以示人某最厭茜紬之矜夸
未見青綾之華煖雄心英氣尚有侵獸皮之言義膽
忠肝不听海牛衣之語得此琪圃瓊林之物稱其玉

壺冰壑之懷何須柳絮以鋪氈恐有梅花之入夢精神愈爽思慮無邪物外獨清疑是卧袁安之雪室中生白宛然宿杜老之雲共惟某人睡不拋書寢猶思學喜留詩客醒常攜枕簟而遊靜聽鍾聲卧不覺衣裳之冷某共承珍貺願廣德心因鉄衾而歌千間儻遂庇寒之志得布裘而長萬丈必無不煖之民

謝惠醋啓

道心苦淡自知吸醖之難德意醇醲乃有作酸之惠香浮頰舌感在庖肝切以設醴雖微庸見尊賢之意饋漿亦末可觀敬老之誠物有薄而用宏禮若輕而

義重我聞周典官有醢人掌五齊之調和合七菹而醞釀上則登于王所共者有嚴下而賜及宥筵禮之亦厚使膳羞而無此恐滋味之缺然鹽必有梅前聖之望良弼鼻能吸醋後賢以取相才自非其物之可珍何有斯人之善喻伏念某言無可口事不皺眉靜觀世味之險噉堪憐聚蚋獨愛道真之嚙齏又笑醢鷄渴飢不足以害心飲饌何求於養體猶未安於微分爰有請於淡交遂煩小溪專致巨甕乃烹雨韭頓添春菜之光華以漬冬萍不厭朝壘之索漠鄰何待乞客亦可供盡忘東野之酸或止相如之渴共惟某

官滿懷蘊籍落筆森嚴行獨剛方不效微生高之直
量兼容忍真有范魯公之能遂令寒竄之庖頗知曲
直之味某嚙津佩德流歆懷仁頤子和羹當雨霖之
重任為吾發覆窺天地之大全既以心藏不須言謝

賀蔡芳源判鎮為道士啓

共審潔身汗世寄迹黃冠滿目氛埃儒術不勝其拘
賤遊神清靜道家尚可以逍遙隱然千古之逸民或
是四明之狂客切以安期志大豈願學於神仙莊子
才高何空談於道德聊以避秦梁之俗不忍聞楚漢
之爭因思前哲微言亦羨後天不老秋夜發幽人之

嘆欲鍊形覓凱風取王子之詞必存神氣果知此意
寧有幾人共惟某官光風洒落之襟懷白日清明之
志操濂溪而下考亭而上徧參諸老之書西山之節
久軒之忠自得一家之學未展平治脩齊之蘊肯為
清虛恬淡之遊靜觀世變之推遷忍見人生之辛苦
皇帝王伯之道一降如今衣冠禮樂之區大變至此
惟聖賢乃能避世惟明哲可以保身不嫌茅宇之淒
涼轉為道觀何必玉隆之嚴邃乃寄仙家上界喜聞
蔡真人之詞新宮不讓山元卿之筆廬山泉石再期
脩靜之留華岳烟霞幸有希夷之隱而恐聞十行之

丹詔終將擁一朶之紅雲某欲訪松花共尋瑤草青
牛何往常占紫炁於函關白鶴高飛或聽玉笙於碧
落

壘山集卷之十

壘山集卷之十一

里生潭石黃溥編

啓狀

聘啓

典刑猶在愧文定之嫡孫聲氣相從慕安昌之愛女
春生葭樹風有桃梅恭惟親家某人令愛小娘幼未
及笄已著德音之美其次學生童而佩鞞粗知學問
之方龜筮告猶鸞鳳得偶子當嚴於擇婦我祖名言
文必謹於事人君家美意

聘定啓

親不失其親可隆親誼幼及人之幼得講幼婚幸出

自天恩歸有地髮方覆額已勤采藻之儀角正垂髻
猶事弄梅之劇幸兩小絕猜嫌之念故一言契姻好
之盟鴈幣肅將庸固早年之堅約鳳飛協卜庶諧晚
歲之和鳴

又

仰少府之名門曾諧舊眷襲文昌之末裔復訂新盟
况草木之味本同故柯斧之言易合五齡六歲幼而
嫁幼而婚寸帛尺書宜爾家宜爾室豈特效恭於子
婿盖將有望於父師如切磋如琢磨亦有仁義而已
矣胥教誨胥保惠毋曰筐篚云乎哉

又

百世婚姻况早得魚嬉之隊一言成事盖亦由鳳吉
之占對偶信是有緣蹇脩易於為力誰謂司農之姪
締好劉墻敢圖法從之孫獲妻馮氏既新盟之議定
宜巧樣之催妝尺楮十縑茲遺行人之問信綠衫紅
袖要有舞滕之娛前

又

門闌多喜同為耕鑿之民聲氣相求宜講姻媿之好
嫌言允契天幸何多令女鬢未成雲已婉容儀之謹
某男髮去總角幸寬繩綈之憂豈曰小哉姻不嫌於

及早會言近止喜即遂於于歸

回定啓

自蜀郡來五世託名門之好必齊姜娶一書寫非偶
之慙是誠因親而締親所藉以幼而及幼既無嫌於
兩小暫時為摘花騎竹之娛宜偕老於百年指日奉
執梅傳巾之事辱冰語致將忱之奠鴈欲歲寒成聚
戲之隊魚可不如期以堅永好舅姑即父母幸每推
錫類之仁童稚不婚姻何敢諉先儒之說
觀書月下喜聞得婦於幼年折花門前幸獲問郎於

同里况黃龔並高於地望宜朱陳亦締於世姻令男
已學吟龍茂著奇童之譽小女喜占鳴鳳愧無少女
之詞雖嫁娶以長大為期然男女之婚姻貴早荷不
棄長于鄰友之陋願早諧盧郎年少之期好音速報
鳳樓人此正佳婿青春早作蟾宮客當繼前脩

又

樂天示勸深虞生育之遲延壽訪婚欲見曾玄之早
蓋一生之計惟在於少而萬世之嗣莫重於婚若兩
小了無猜嫌宜二妙合於羈角况令孫清徹已聞駒
齒之生而姪女無知方在鳩車之歲荷不遺於對菲

喜獲締於葭莩雖云鵬鷲之不齊自是馬牛之相應
資財不論何未忘夷虜之懷他日有行正有賴舅姑
之教

又

謝安之姪生而敏頗關叔父之情庾公之女幼而孤
喜道姻盟之好惟因親致親相契之久故以幼及幼
得有所歸雖童心稚識之無知何勞遠慮然男室女
家之早定式慰先懷

又

兩小無嫌久誦弄梅之句一言有契遽承采菲之盟
俱勿失赤子之心可卜見玄孫之慶弄璋載育已呈
擊甕之奇拆線未能久覓穿針之巧詎意孩提之戲
克承夫婦之緣茲辱魚緘復勤鴈幣報君青事案既
已深張生何以之羞遺子黃金贏願冀守韋氏不如
之訓

七月請期啓

男女之生幸而得耦婚姻之道貴在及時禮有請期
義當修贄祖宗繼體重嚴親迎之辰父母有心尤重
于歸之日肅將嘉幣庸試新妝鳳鸞佇聽於祥占鳥
鵲歡迎於巧夕手舞至切心罄奚殫

回啓

月燭雲駟行矣赴銀河之約吳牋蜀錦此其為蓬華之光然愧無百兩之儀寧不奉三周之禮折蟾宮之桂母富貴之相忘採南澗之蘋惟敬共之有恪

八月請期啓

始卜佳期幸爾秋期之叶再占吉月依然夜月之圓諒由淑女之促裝足與素娥而為侶茲相配合可想和鳴爛即觀於盈門敬可無於納幣貧者為禮非財貨愧之多儀之子于歸宜室家豈勝至願

回啓

紅箋寵貺辱厚意之賜來丹桂香浮喜佳期之漸近既有言歸之約當嚴往送之辭琴瑟和鳴行應曩時之占鳳門闌多喜尚期他日之乘龍

九月請期啓

古者制禮婚姻非受幣不交今也從宜男女以及時為貴況在黃華之候輒脩紅葉之緣占其吉於卜人已云允叶聽其成於媒氏異必能從

回啓

灤灤湛露滋開黃菊之數枝拂拂好風吹送彩雲之五朵因悟親朋之通且承迎禮之隆御輪再舉於三

周行李愧無於百兩祇崇姻好異略煩文宜其室宜
其家自今始矣俾爾昌俾爾熾勿替引之

十月請期啓

愧非韓樂幸因蹶里之相攸夙定文祥必講渭梁之
親迎言旣遂矣迨其吉兮預陳鳴鴈之期屬屆獻羔
之候言秣車言秣馬行詠于歸以采藻以采蘋庶無
失職

回啓

好記橙黃正十月為良之景喜傳梅信占三星在戶
之期旣叶佳辰敢違嚴命女有行而餞于禰已教其

謹蘋藻之供毋命嫁而送之門當與之贊棗栗以升

十一月請期啓

納成迎人出贅

曩諧占鳳已欽季諾之承今漸登龍欲效秦貧之贅
况一陽來復之際正兩家合好之時輒修鴈奠之儀
并致鸞裝之禮菲然為敬固慙無百兩之將行矣非
室誓益殫半子之職

回啓

早憑月斧修成月鑑之圓今泛星槎來促星橋之駕
牋牘戾止圭幣輝如自顧菲然何以當此旣重塵於
委貺詎敢後於拜嘉禮重御輪適十月為良之候式

嚴施衽屬一陽來復之時

十二月請期啓

天地之義既諧卜吉之從婚姻以時敢後親期之請
預憑媒介以布腹心月取季冬日涓癸卯書先於
一紙好永結於千春

回啓

穀旦于差已叶蔡龜之卜瓊英是尚行觀堂著之容
弟虞裝橐之空不作盈門之爛我則冰薄公其歲寒
探隴首之玉梅已傳春信聽城頭之畫角行促曉妝

回啓未允

龜卜叶從曩荷冰人之請魚牋下逮遽言星戶之期
然雖貴於及時奈偶迫於多事桃夭方春之候此固
良辰蘋采行潦之中尚容後歲永為好也姑少遲之
陂量容智燭是幸

豐山集卷之十一終

豐山集卷之十二

里生潭石黃溥編

劄

通王府尹劄

某伏以仲冬謹時晴曦流愛共惟某官眷隆九陛望
重一麾后皇贊襄台候動止多福某謹沐神雪慮蠲
拔毫牋申敬于千騎行軒之次仰祈矜休

某切謂天欲惠頌于橫浦為千里宅生之寄以有豈
弟君子出而父母斯民矧惟二天照臨之初萬口歌
頌為至和諸福鼎來不禱而叶某安敢贅請
某伏審某官光膺鳳檢暫撫翼城成命甫放輿情交

擗共惟慶愜某承之附庸天幸棲身道德覆照之下
日在南埜與扶筇之老騎竹之童北望朱幡爭先快
覩卷卷贊喜踊躍萬分

某共惟某官前輩盛心斯文元氣忠孝名門之衣鉢
才猷清廟之璠璣風度照人芒寒色正詩書澤物玉
韞山暉乃知衣冠甚盛之家必有社稷非常之器天
才無施不可春脚所至有聲暫勞一駕於熊轡來活
久枯之鮒轍恐未止甘泉之計及已興宣室之思天
若有意斯民何止賜金而增秩公必從茲大用即着
鳴玉以趨朝凡在幘幪尤深傾僣某敢因慶幅而私

布之仰祈台炤

某去冬謁告言旋天闈竒機共遇某官分月臨川道
路之人更相告曰是間長史宰相才也子盍注致敬
焉某於此時所期先生者又有出於他人所期之外
也然自跪違泰階倏又暮歲引睇霄躔無食息敢移
尊嚮忽得好音適屬福星委炤之下感念之餘始歎
人之幸會喜甚折屐遭際有如是耶惟是不習絲譜
五枝已窮善後之謀罔知攸濟所幸仁賢二千石惠
然肯來以下慰三邑顛僣之切某首當引睇牙旂躬
負弩矢俯伏道左以修屬吏之恭則蘇天之芘又有

出於意外之望某不勝拳拳

某策名贊敬之初無以見其歸依之萬一斐然儷語
疥于申蕃燕類不工醜愧萬狀倘蒙一覽而擲之榮
佩千億

某仰惟隨軒蓬閣仙輯邈在霄漢某不敢凌節百拜
申敬惟下邑先庚教條拱俟頌曉

通黃府判劄

某伏以權輿半春錦綉萬象共惟某官屏呈照乘和
氣載塗穹屋迪簡台候動止千福某雪手露香贊忱
竊府仰干丙在

某切惟宣化承流守相之尊等耳地方千里位並元
侯以十萬戶之歡聲為八千春之善頌則夫金鼎翠
釜有請則諛

某嘗聞玉華之秀甲於閩棗名闕倚天實鍾間氣慶
雲呈瑞孰不願快覩爭先風北枝南無階望履詎圖
試邑行戴二天此造化者巧為之遇合也遙瞻丈蓋
此心如飛

某共審奉詔監州抗旌戒道來共一輪之明月先回
四境之陽春伏深慶愜某幸正趨承倍增欣抃謹綴
猶小啓一書端控燕雀之悃仍蒙弘慶賜以粲觀某

下情慰愜

某仰以某官性資氷絜德量天寬惟涵養深而燭理
明宜設施弘而臨事果夔城製錦載賡杜工部之詩
越困依紅細攷王右軍之帖荐分半刺殊加恩意別
乘驥足之馳詎容席暖屬車貂尾之從亟待詔溫
其庠序諸生不習為吏剽繁治劇用重其才水毀木
飢二軍艱字雖撫字之心如日而焦熬之鬢已霜末
路尤艱險灘未涉尚祈矜念曲賜庇存祇佩恩私介
丘莫喻矣

某不敢凌躐申寶閣仙輯之起居伏恐屬邑應有先

庚條目拱竢行下

回主簿交代劄

某伏以月開周正雲慶魯書共惟某官司印花城趣
裝穀旦后皇右綏台候動止千福某雪手露香奏記
籤史仰干丙在

某聞之二氣五行之運在天為寒暑在人為語默動
息調元贊化儒者事也况一理身之陰陽乎雖然存
我以康蒼生願為國寶此不貲之軀乃副輿望

某佩履春藻秋蘭之馨久矣箕南斗北無由快星鳳
之瞻不謂天假機緣得托雲仍之好平生願識荊州

却無負此言矣中夜攬衣擊節自慶

某伏審榮膺綸誥來領印曹先聲一馳和氣四洽諒
惟歡慶切惟某官以南岩世家為西江名士我冠司
業堂則何蕃之德行舉幡帝闕下則王咸之氣節朝
奏暮召可謂希世之遇矣尚屈鸞鳳於枳棲何耶然
張集賢起於魯山鄭相國興於汜水萬里脩途胥此
焉出奉紫泥而班玉筍不夙則暮

某鈇輒晚生世居昭武烏洲學優而仕代不乏人在
嘉定間則伯氏果齋對策大廷擢居鼎甲獨某不克
宗少也三預賢書迨其強仕某年猶未脫場屋僥

試南廊疏居次等遂得令闕趨來梅川甫書下考乃
蒙大鑒章先生檄入郡幕繼蒙綉使李先生俾攝信
豐俱以一削收錄于是羈留幕底者兩年回視薄職
不無曠厥然此心惓惓無日不在朱墨間屈指歲除
僥倖書滿幾生修結得際交承洗龜拂篆以為告新
之圖某之志也掩瑕匿過以為淑後之計則執事事
也引領車音拜手以白某及瓜而代有日矣修尺牘
以通是好禮也乃為執事所先懈怠之咎無以自文
謹列件劄將以儷語申控卑悰并酬榮施倘垂電光
榮佩千億

某惶恐晉囑申問契家翠水瑤池台眷伏想烟霞萃
社日月常春新治趨條敢不肅拜

詞

薦父青詞代王業倚女

父今捐弃永無侍奉之期女既有家難報劬勞之德
潔齋丹悃號籲蒼昊伏念妾先考學慕醇儒老為寒
士愛人利物雖莫展其素懷謹行信言不敢欺於洪
造豈期一疾即反九泉妾生無養志之能沒缺送終
之禮受恩罔極茹痛何窮仁君猶悲憐緹縈之詞河
伯亦閔念曹娥之苦父子之情至切天人之應惟誠

皈命羽衣投誠金闕伏願矜哀愚悃超度先魂覺本
性之虛明赦凡情之罪悔宿愆盡洗無父滯於冥途
片善可書或再生於樂國

吾友張四居士為僧敢獻善頌

天台羅漢形模也學丹霞剡草少年大振宗風好箇
五山長老

壘山集卷之十二

皇山集卷之十三

里生潭石黃潭編

表

賀玄天上帝生辰表三月三日

臣某言伏為今月初三日恭遇上聖降誕休辰者帝
 降人寰必真元之會合民懷天德逢初度以懽愉宇
 宙昌期華夷同慶臣誠懽誠抃頓首頓首切以虹流
 瑞彩天開秋昊之神龍嘆嘆祥波佛現世尊之聖受大
 極兩儀之正鍾三光五嶽之全萬生高真孰若華口
 恭惟玉虛師相玄天上帝北辰合德春日同仁贊化
 玉清道生天而至妙調元金闕功裨帝以難名契真

宰於東皇對長生之南極乾坤比壽永覆載於萬靈
日月齊光常照臨於六合臣欣逢瑞節難報鴻恩有
始有初歲歲今辰之歌舞無窮無極人人洪造之生
成臣無任瞻天望聖懽抃慶快之至謹奉表百拜稱
賀以聞臣誠懽誠抃頓首頓首謹言

又

臣聞天生大聖實輔相於元工民受洪恩宜懷思其
初度對玉虛而稱慶踴金闕以敷忱臣中謝切以白
帝之司三秋史紀虹流之旦素王之存諸夏轉言麟
綬之辰能奉若於皇天維於人極緬想發祥之

始誰無尊道之誠伏念臣一善莠聞百殃寧免逢南
方之喪亂何地逃主賴北極之明靈助天濟世聞此
日騎箕之瑞効衆星拱斗之儀有始有初豈不知於
帝力無窮無極期水底於人寰伏願洪造垂仁高真
錫福回乾坤之和氣掃颺霧之妖氛念昔降神救萬
民之微命自今悔道開億載之太平臣無任瞻天仰
聖激切屏營之至

許旌陽飛昇日賀表

仙降塵寰體天心而濟世帝嘉神績乘秋氣以昇霄
華貂歡聲古今盛事臣中賀臣聞赤虬紫霧聞仙子

之遠游黃鶴白雲想至人之高舉孰若一門之積德
盡超八極以登天恭惟真君道極高明誠參化育驅
龍蛇於境內既成神禹之功挈雞犬於雲中不假淮
南之鼎慕直風而雖遠遇華旦而難忘臣欲報恩仁
敬修賀禮苾苾蘋蘩之薦依依葵藿之誠日月齊光
長戴神明之德乾坤有造願為仁壽之民臣無任激
切屏營之至

疊山集卷之十三

疊山集卷之十四

里生潭石黃溥編

疏

梅野起居疏

世有子產孰頌焚室之材里有少陵且助草堂之費
錢財易得道義難窮梅野先生詩書已廢於秦灰棟
宇何堪於鄭火參充已為貧士忍聞稱賀之言池魚
本是善人孰動救災之念今見眼前之突兀順恢身
外之幪幪若不寄貲豈敢嗔於錄事倘能買宅是亦
過於韓公見義必為當仁不讓千萬問大庇寒士須
還天下英雄三十年始有此廬莫作詩人笑語

城隍疏五月二十八日

日餘二日即更建午之書雲縈五雲喜遇生申之日
權聲載路和氣滿城共惟城隍土主全封號乃武乃
文作威作福呼吸須臾之雨露叱咤頃刻之雷霆佐
漢有功四百載綿心社稷配天無極億萬年帶礪山
河赫赫厥靈洋洋如在其等素喜蒙恩之久幸逢震
夙之初壽永基圖頤借椿齡而為壽封漢忠惠更看
芝檢之增封

既善念之有孚宜道場之壯觀胡先生愛青山之好
與無用者不同謝靈運種白蓮之勤想專心而不雜
已捨鍾山之宅上續遠公之燈或疑香火之光明豈
可規模之狹小所謂鼎新日月方知特地乾坤大願
力大功緣必是大雄猛漢好布施好福德須還好修
行人一佛辦心諸天助力維摩八萬四千座半日化
成雪峰三百八十座一家喜捨不可嗟過直下承當
陶淵明十八大賢且作廬山之隱者王文正百餘名
士尚歌淨社之太平

景祐真星生辰疏

睢陽大將張曄
七月二十五日

南岳降神為生民而立命普天蒙福逢初度以懷恩
合衆志之精純對九霄而籲告緬思唐世爰有忠臣
助兩賢以守一城提孤軍而勝百萬宗社資其翼戴
江淮得以安全幽為神明為人節義無慙於天地生
當封死當廟英靈永鎮於華夷粵若是邦同歸大造
茲遇乘東維之日誰無拱北極之心葵藿秉誠藉繫
昭敬設金山之淨供演寶藏之秘文四生六道之超
片三界萬靈之來降悉遵佛教庸神休有始有初豈
不知於帝力無窮無極願永庇於人寰伏願上聖垂
仁明神賜鑒百穀告成於秋日四民常在於春風念

昔生賢救兩間之厄運自今悔禍開億載之太平

福善王生辰疏八月初四

天將救世降崧岳之神明民欲酬恩依金山之佛法
潔嚴恭之一念露悃欵於三靈某等猥以下愚竊聞
上世良弼騎箕尾而降為萬古之星辰文公應斗牛
而生救一邦之水旱皆帝心之妙簡與民命以相關
共惟福善尊王正直而英靈慈仁而睿指握中夏文
明之運存西方賢聖之風為國選才士必功名道義
代天與善民皆富壽康寧萬年保佑於此邦兆姓歡
呼於誕節太極兩儀之正融作異人三光五嶽之全

鍾為一佛宜修慶禮庸表微忱牲牢不見於苾芩酒
醴難昭其誠敬欲報乾坤厚德無如水陸大齋三界
萬靈對休辰而懽喜四生六道依大造以超昇雖無
補於神功示不忘於聖力恭望明靈降鑒穹厚垂仁
好生仰体於天心錫福同歸於皇極金風玉露已開
豐年之祥璧月珠星早見太平之象攘竊陰消於狗
鼠貪殘永絕於豺狼民安禮義之彝士復詩書之澤
鄉閭和樂固無日而不春廟貌尊嚴尚與天而齊壽

化道衣疏

某人熟朝真之科教習事帝之容儀入我觀門共

成道法豪家大族長者善人必有仁心共成好事
黃絹銀章頒皇恩而訓戒朱衣玉珮在帝所以周旋
倘二者之得兼亦一生之奇遇賀知章結草守必承
君命以修真陸簡寂得石壇難以朝衣而拜斗有誰
施捨成我因緣豈無地位九分人或遇神仙一會客
天台山之採藥便逢福地以逍遙玄都觀之栽桃不
負恩門之培植

暨公聖者生辰疏

天生賢聖欲普濟於微氓民戴恩仁何忍忘其初度
潔齊致慮籲告明靈伏念某等性本顛蒙命尤迍蹇

回心向道願為良善之人從俗隨時寧免悔尤之事
全危身於離亂歎生理之艱難日虞虐吏之誅求時
有過軍之煩擾十室而九無溫飽五年而屢告飢荒
賴通覺大師之靈有覆載小民之德雨暘從欲疾疫
無憂凡蒼生之感神功如赤子之依慈母思帝力者
必虹流之旦懷素王者必麟紱之晨欲薦愚忱敢遵
釋教演金山之妙法敷寶藏之微言福及幽冥心通
上下伏願帝垂憐憫神降吉祥一佛重來必潛消於
厄運萬方有幸願早見於太平

重建觀音寺疏

尋聲救苦是名觀音與佛有緣樂我淨境野火燒虛
空而不盡法燈歷今古以長明歲星已周天道必復
宰官長者寧忘補陀現身大臣檀那還記靈山舊話
諸天助力不日成功紫竹林中散光風於三界綠楊
枝上洒甘露於八荒使衆生識大慈悲此善果勝諸
福德寶珠瓔珞豈無普門品之仁賢樓閣玲瓏盡見
華嚴經之富貴

虎溪蓮社道堂脩諸天閣疏

蓮社虎溪是法雲地善燄慧地華嚴龍海化叨利天
兜率天此非一蜚氣吹噓所得成須五鳳手經營之

乃可鈎心閉角共看抱地之縵迴佩玉鳴鑾不是飛
雲之歌舞俯視千大千世界上有二十二天人世出
世間漢來漢現希有希有西方天竺國飛來真如真
如昨日妙高臺夢見吾為法施汝辦肯心

洪山廟照華嚴第十五會

善人長者共成華嚴會今幾年矣佛果已成愈修
愈好善根已大更種更深丙戌年第十五會供食
科儀隨人喜捨此為好事願發肯心

華嚴經一十五會歲歲相逢維摩座八萬四千人
人
要飽佛果不難成熟善根更好栽培天下功緣供養

之功最大人間福德有施之福無窮慕聖僧而水府
設齋聞合論而神宵送食觀音瓔珞效恭敬於世尊
天女寶花獻殷勤於長者此是菩提地位須還廣大
心宵願傾帑廩之餘財共贊鄉閭之好事曾記兒童
戲供也能生阿育王家請看川老談經直要到毗盧
頂上

東山白蓮堂修造疏

誦彌陀經多有西方公據祝聖人壽又見東林道場
天燈已放光明鬼火豈能魔障要識白蓮淨土世世
無窮請看紅日出山朝朝如是前此規模窄狹今當

棟宇修崇五十三叅華嚴樓閣有幾多富貴八萬四千寶座殿堂非一處安排居士辦心諸天着力豈無長者捐火宅之金銀恐有名賢捨鍾山之屋宇且頌餘財餘粟便歌美奐美輪一日圓成八方讚嘆七寶布施好留我佛國因緣萬代流傳只道是君家福德

永福堂塑佛像

順昌西岩

西方極樂國福在西岩南無阿彌陀現於南劍盡道菩提無樹何須淨土栽蓮然化身亦有色身因像法可求正法想觀音之救難滿面慈悲思勢至之度人通身伶俐一佛遠公之接引諸天聖侶之護持巧手莊嚴善人施捨大千七寶布福德何如此福德之多三十二相觀如來咸有見如來之喜

仁壽堂化粧塑佛

民皆仁壽一心願見彌陀佛有因緣好事須煩長者欲現如來之妙色共培居士之白蓮化身不難要清淨要圓滿諸相具足誰布施誰莊嚴此日發心諸天助力寶珠瓔珞信手拈來金銀碑礫隨意喜捨豈特道場之光彩有關闔邑之禎祥三四五佛善根自有種善根之報千萬億劫福德何如此福德之多

東嶽廟粧塑天堂地獄閻羅像疏

善惡灾祥之報猶影響之應聲神祇鬼魅之靈在典
禮而有像敢干長者全發好心借佛說以度人即嶽
祠而設教天堂果有宜君子之先登地獄豈無必小
人而後入韓柱國不須身後包閻羅只在眼前何吝
餘財共成善事可以勸脩身立命之士可以化遷善
遠罪之民變鑊湯而為清涼何待問觀音大士捨魚
池而作切利毋煩念寶勝如來

白蓮社經堂疏

廬山一條瀑布流到東林華峰十丈藕缸種成淨社
從此枝枝葉葉處處田田何人不過虎溪橋是水盡
入龍宮藏此為諸佛菩薩之所護念又待最後檀那
而得圓明任他栽火裏凡紅看我出泥中清白從聞
修竟悟色香空

豐山集卷之十五

里生潭石黃溥編

文

代五顯廟巫祝為還願人放罪文

社令解到罪人一名枷鎖待罪九月二十八日靈順廟掌善惡判官具呈照得某人頃罹罪罟幸脫累囚思宿業而多慙恐後灾之難免遂投雲瑣自首前愆既荷校而在庭且席藁而待鉞若論舊惡當伏嚴誅適逢皇天誕聖之辰宜廣上帝好生之德姓某一名合與不合疎放取神旨奉五顯靈官大帝神旨凶人不善自有常刑上帝好生豈容盡法况十載苦干戈

之禍爾萬姓在湯火之中人思解撓以除苛天必滌
瑕而蕩穢欲新汙俗何吝寬恩姓某本是愚民自陷
大譴既來身而俟罪必滌慮而洗心情亦可憐理宜
從恕經有宥過無大之訓律有自首原罪之文刑人
發蒙利於說梏死囚歸獄縱以還家吾欲並生爾宜
遷善知人身之難得毋再犯刑思天網之至疎常懷
報德姓某一名當廳踈放仍申天曹地府關東岳城
隍司應有干連縮繫去處照會

代昭懿廟巫祝為婦人還願放罪文

本廟據掌善惡判官具呈罪囚一名某鄉里某氏供

招本命某年月昨因丁丑年十月十三日北兵討擄
逃難深山自念田野愚民性資昏闇平生虛度不種
善根一念妄行俱是惡業既逢離亂恐致死亡遂發
悔心仰投洪造是日對虛空啓許夫人行宮私獄案
願懇禱庇覆或可保全凡今未死之年皆出再生之
造今月十五日伏遇大聖降誕之辰謹齋戒沐浴荷
枷扭帶繩索前詣行宮門下潔身請罪聽候裁斷施
行本司看詳某氏曾逢大難遂發悔心仰賴聖恩幸
逃末劫果能遷善既獲延年既械杻以在廷同囚徒
而請罪當大聖降誕之日體上帝好生之心或播寬

條更全微命取自神旨裁斷奉昭惠崇福善利順懿
天人神旨上帝好生初無殺意下民犯法豈是本心
自從開天地以來方見大千戈之慘能逃末劫必有
善根某氏愚婦何知悔心甚苦惡人齋戒猶可動於
上天死囚來歸自當開其生路經有宥過無大之訓
律有自首原罪之條一善可名諸惡不問在縲繼而
非罪咸與維新脫桎梏而發蒙姑從大赦如能積德
更與延年某氏踈放仍申天曹關嶽府照會

豐山集卷之十五

豐山集附錄卷之十六

里生潭石黃溥編

上豐山先生書

雙湖胡一桂

二月六日新安學生前鄉貢進士胡一桂謹熏沐
裁書百拜獻于提刑殿講豐山先生閣下某嘗讀
周元公易通有曰天地間至尊者道至貴者德至
難得者人人而至難得者道德有於身而已夫所
謂道德者何也其綱有三其倫有五原於天設於
地品節於聖人通行於千萬世由乎此則安不由
乎此則危由乎此則為諸夏為人不由乎此則為
蠻貊為禽獸斷斷乎其不可易之論也然嘗惟夫

自開闢以來宇宙不知其幾變而所謂道德疑若為之而俱變者冥冥之表盖有天焉每於其交際之間必生一二傑魁瑰偉之士以身任道德之寄把握扶植於不壞不滅之地夫天既以道德重寄付托於其身謂宜愛之護之俾得優游適志以順乎其天顧乃不然或使之憂患困苦直至殺身而後僅可以成仁或拂亂其所為使之飢寒流落瀕於萬死而不得死栖栖焉寄隻影於遐陬僻壤間而時俗富貴者洋洋得志切齒唾罵以為至愚至癡不通時變自陷於困窮所謂可憐不足恤者若

是而望其把握扶植此道德於不壞不滅之地真不啻如一髮引千鈞之難何哉盖不然天地間萬形皆有弊惟理獨不朽宇宙間事固有囿於氣數之不得不然者而所謂道德之理則實未嘗一息可變苟非其人亦不能以自行是以必于人是托然人品有不一有盜名欺世者有慕名矯拂者有不能忍於饑寒而流涎於富貴者有牢關固鉅於其始而卒喪其節者有自度其才而足以應世而姑守窮約者有初之無力以自奮忽乘機而遽起者若是者是皆不足以任道德之寄往往天亦嘗

厭欺於此徒是以付托一二人於斯世必使之憂
患困苦殺身以成仁必拂亂其所為飢寒流落瀕
於萬死而不得死如精金百鍊曾不變其所守仁
以為已仕死而後已者亦以其身不足愛而道德
之為可愛且將以愧天下之曾僂人爵食人祿者
若此者是真可以任道德之寄昌黎韓子所謂千
萬世一人周子所謂道德有於身者是也遊吾目
考八荒思得大人君子道德有於身者為之依皈
舍先生之外其誰哉洪惟先生抱三光五岳之正
氣負三經五常之重任涉世於強仕之年秉操於

立朝之日一時權姦如虎豹九關磨牙搥毒而浩
然之氣至大至剛以直養而無害曾不為之撓屈
居常抱膝林泉朗誦先生大雅之章想見人豪而
雲泥懸絕無階趨拜茲者恭聞蟄神龍於九淵翔
鳳凰於千仞儉德自持而爵祿不足以移高尚自
立而王侯不足以屈集蓉裳修初服而章甫逢掖
變更之未嘗卧蓮舟讀玉書而天祿石渠宗主之
有屬斯文倚之為命脉衣冠賴之以綱維義夫節
婦得所標表以益堅亂臣賊子有所觀望以羞愧
道德之興廢關係於先生之一身而把握扶植之

貴甚重而匪輕也故昔也危言危行人不得以議其訐今也危行言遜人亦莫得以議其脂韋梅福之於炎劉淵明之於司馬時不同而處亦異也嗚呼天地猶有憾粹乎先生之行終不能疵日月猶有蝕昭乎先生之心終不能蔽雷霆猶有伏烈哉先生之氣終不能遏此真所謂道德有於身而千萬世一人之人也稍有志於道德之士可不承下風而望餘光哉某安定徵宗古歙士族蓋自六世兩伯祖鉉銓接武元豐之第而高伯祖昂政和間由辟雍第太常與吏部朱韋齋先生有同邑同年

之好高祖溢紹興初分路省元復收世科詩書之傳道德之脉三百年於此矣某五六歲而讀父書十二三而能文十八而登名於天府年少氣銳不但視功名而唾取粗亦為有志於當世者夫何天池之翼未展而洄溪之翅已垂孟明之舟未焚而郊廓之鼎已易事蓋有大謬不然者我之為我亦無復有志於斯世矣且比年以來天疾其軀仲車其聽庸人孺子莫或肯半指屈中夜以思默然領會意者造物仁愛之深故欲使為無聞之人專心致志於學行之乎仁義之途遊之乎道德之源無

絕其源無迷其途而已乎環視其家圖書滿屋而紫陽夫子之易又平日所酷尚伏讀家君易啓蒙通釋吾易門庭既已獲入獨謂本義提綱振領而節目未詳於是又取語錄而附之纂集諸說間贅已意至若卦象之異同文言之疑義自漢儒已來十有餘年未有能灼知其說者某一旦豁然貫通若有陰相而默啓之於是作為卦象圖說又作為疑文言並而體之未有圖也而圖之十翼之未有論也而論之啓蒙本義有大功於天下後世而人莫知也又表而出之凡此者豈務絺章繪句以為

能記事纂言以為多哉亦以明經乃儒者之事况大之為天地幽之為鬼神明之為君臣治亂別之為賢邪進退于以立三才之道于以順性命之理于以盡事物之情通天下之故莫不畢備於易於此乎有得焉亦庶乎身心收斂不至外馳而所謂至尊之道至貴之德亦猶是以不失焉耳書成而鄉之老師宿儒莫不為之許可某亦自度歲月之不虛度矣然左太冲三都賦固未嘗不為奇偉之書使不遇皇甫謐稱獎而為之序亦何以信於時而聞於後哉今海內以先生為道德之宗主人物

之權衡一經品題便作佳士某是以不遠千里往
拜丈函塵滓視聽求片言以為之黼黻付之書帙
繡梓倘徵先生之高名令譽傳之無窮施之罔極
某何幸吾易何幸惟先生進而教之實惟門士之
至願千冒師嚴下情不勝戰慄俟命之至

豐山先生行實

謝枋得君直號豐山信州弋陽人登宋寶祐丙辰
第甲子校文江東發策十問抵時政安置與國軍
乙亥除江東提刑累遷至江東制置使土軍攻饒
拒戰安仁敗宋德祐元年冬十一月任江西招諭

使知信州又敗棄家入閩丙子二年春正月元兵
入信鏤銀榜根捕執枋得之妻李氏二子一女送
江淮行省拘于揚州獄中毋夫人以老疾得免李
氏不屈死于獄中惟二子熙之定之得還元至元
戊子二十五年夏四月召宋故臣謝枋得力辭不
至時帝訪求南人有才者甚急御史程文海承旨
留夢炎交章薦之尋有書上程雪樓秋九月參政
魏天祐執枋得北去先是枋得由建陽唐石山轉
入蒼山等處朝遷暮徙崎嶇山山谷間竟得脫至
元甲申黃華平大赦枋得乃出得還自寓于茶坂

設卜肆于建陽驛橋榜曰依齋易卦小兒賤卒亦知其為謝侍郎也至是天祐朝京將載枋得後車遣建寧總管撒的迷失佯召枋得入城卜易逼以此行以死自誓知不可免即不食有上魏容齋書已丑二十六年夏四月故宋江西招諭使知信州謝枋得至燕死之初參政魏天祐逼枋得之此行也與之言坐而不對或嫚言無禮天祐自甚容忍久不能堪乃讓曰封疆之臣當死封疆安仁之敗何不死枋得曰程嬰公孫杵臼二人皆忠于趙一存孤一死節一死於十五年之前一死于十五年

之後萬世之下皆不失為忠臣王莽篡漢十四年龔勝乃餓死亦不失為忠臣司馬子長云死有重於泰山輕於鴻毛韓退之云蓋棺事始定參政豈足知此天祐曰強辭枋得曰昔張儀語蘇秦舍人云當蘇君時儀何敢言今日乃參政之時枋得曰口不能自辨復何言枋得不食二十餘日不死乃復食將行士友餞詩盈凡張子惠詩云此去好憑三寸舌再來不直一文錢枋得會其意甚稱之遂卧眠轎中而去渡采石復不食自是只茹少蔬果積數月困殆四月初一日至燕京初五日死于驛

子定之護骸骨歸葬于州枋得平生無書不讀為
文章高邁奇絕汪洋演迤自成一家學者師尊之
所著有詩傳註疏易說十三卦取象批點陸宣公
奏議并文章軌範行于世

文節先生謝公神道碑

李源道

天訖宋命皇元一四海而統之至元二十三年行
御史臺侍御史程鉅夫以宋遺士三十人薦于朝
於是江東謝枋得在舉中被徵丁內艱辭亡何連
詔江浙行省左丞管如德召皆不起廿六年春正
月福建行省叅政魏天祐復被旨集守令成將迫

促上道廼行夏四月至京師不食死春秋六十有
四八月子定之奉柩還廣信明年九月葬其鄉之
玉亭龔原其門人誄而題之曰文節先生謝公墓
先生曾祖彥安祖一鶚考應瑋濬州僉判妣桂氏
封碩人先生諱枋得字君直信州弋陽人宋寶祐
乙卯薦于鄉丙辰試中禮部高等比對力詆時宰
闕宦奮不顧前後抑置第二甲第一人初濬州君
以事忤使者董槐被劾以死先生既第董槐執政
竟不堂叅以歸丁巳召試教官調建寧府教授已
未趙葵宣撫江東西辟為屬尋除禮兵部架閣令

募兵援江上出楮幣十萬貫得信撫義士數千人以應宣撫司罷賈似道當國會軍與出入簿責任事者公毀家以贖不足坐廢至元初長星竟天踰月我師壓江上宋社日替江東漕司猶試士徵校藝先生憤賈竊政柄害良忠誤國毒民發策十問擿其姦極言天心怒地氣變民心離人才壞國有亡證辭甚剴切大拂賈旨臺評竟上其謗訕鐫兩秩興國軍安置因謫所山門自命壘山守令皆及門執弟子禮丁卯以史館召先生曰似道餌我也不赴閉戶講道聞之者翕如若周岳熊朝余安裕

楊應桂余炎謝禹莫若輩皆知名介然自將足迹不及權門里中人行事或不循於理者輒曰謝架閣聞平有持兩爭必來質平遣以理無秋毫假與人意見人亦高其風必自審乃進非義者未嘗敢至其前也乙亥連以史館校勘秘書省著作郎召卒辭授江東提刑摠其兵以守饒信撫與王師戰輒敗不能軍遂易服負母走閩中隱於卜信守將悉捕公妻子弟姪送建康獄夫人李氏有容德有廉帥者欲妻之一夕自經死弟某某姪某某及一女二婢皆死獄中惟二子熙之定之移獄廣陵得釋

又有弟禹在九江亦不屈斬于市先生性資嚴厲
雅負奇氣風岬孤峭不能與世軒輊而以天時人
事推宋必亡於二十年後抗論愼宰老竭蹶不售
終不取合於時其為人蓋如此及程公之薦報書
乃曰弓旌招賢輪帛迎士有志經世者孰不興起
及非其人非皇帝夢卜求賢之初意也觀其言非
徒決於剛憤者少力學六經百氏悉淹貫為文章
偉麗卓然天成不踐襲陳言宿說論古今成敗得
失上下數千年較然如指掌尤善論樂毅申包胥
張良諸葛亮事常若有千古之憤者而以植世教

立民彝為任貴富負賤一不動其中其言曰清明
正大之心不可以利回英華果銳之氣不可以威
奪其自信悉類此先生之北也貧苦甚衣結屨穿
行雪中人有常德之者調以兼金重裘不受平日
所著易書詩三傳行於世雜著詩文六十四卷翰
林學士盧公摯為之序引深所推激夫人李氏男
三義勇早卒熙之歸自廣陵亦卒定之賢而其文
累薦不起孫男二信孫仁孫先生死之二十有四
年門人虞舜臣率其徒築室買田祠公弋陽之東
江浙行省請于朝為疊山書院又五年余任集賢

待制番易周應極狀其事致定之之語求銘墓道
嘗謂先生天下士源道仰其文章風節蓋四十年
而不一識是區區者尚可辭哉銘曰

嗚呼先生生也何時生也後時日薄崦嵫維南有
孽龜玉毀擗我朝天明迺完其節鷄鳴風雨歲寒
松柏伊其板蕩古有盡忠道統既闕人文斯崇有
美翔鸞載鳴載集曷迪匪庭曷課匪京萬里冰天
介石自貞奚卒不施閔于佳城嗚呼先生

五大宋史列傳

謝枋得字君直信州弋陽人也為人豪爽毋觀書

五行俱下一覽終身不忘性好直言一與人論古
今治亂國家事必掀髯抵几跳躍自奮以忠義自
任徐霖稱其如驚鶴摩霄不可籠繫寶祐中舉進
士對策極攻丞相董槐與宦官董宋臣意擢高第
矣及奏名中乙科除撫州司戶參軍即棄去明年
復出試教官中兼經科除教授建寧府未上吳潛
宣撫江東西辟差幹辦公事團結民兵以扞饒信
撫科降錢米以給之枋得說鄧傳二杜諸大家得
民兵萬餘人守信州暨兵退朝廷覈諸軍費幾至
不免五年彗星出東方枋得考試建康摘似道政

事為問因言兵必至國必亡漕使陸景忠御之上
藁於似道坐居鄉不法起兵時冒破科降錢且訕
謗追兩官請居興國軍咸淳三年赦放歸德祐元
年呂文煥導大元兵東下鄂黃斬安慶九江凡其
親友部曲皆誘下之遂屯建康枋得與呂師夔善
乃應詔上書以族保師夔可信乞分沿江諸屯兵
以之為鎮撫使使之行成且願身至江州見文煥
與議從之使以沿江察訪使行會文煥北歸不及
而反以江東提刑江西招諭使知信州明年正月
師夔與武萬戶分定江東地枋得以兵逆之使前

鋒呼曰謝提刑來呂軍馳至射之矢及馬前枋得
走入安仁調淮士張孝忠逆戰團湖坪矢盡孝忠
揮雙刀擊殺百餘人前軍稍却後軍繞出孝忠後
衆驚潰孝忠中流矢死馬奔歸枋得坐敵樓見之
曰馬歸孝忠敗矣遂奔信州師夔下安仁進攻信
州不守枋得乃變姓名入建寧唐石山轉蔡坂寓
逆旅中日麻衣躡履東向而哭人不識之以為被
病也已而去賣卜建陽市中有來卜者惟取米履
而已委以錢悉謝不取其後人稍稍識之多延至
其家使為子弟論學天下既定遂居閩至元二十

三年集賢學士程文海薦宋臣二十二人以枋得
為首辭不起又明年行省丞相忙兀台將旨召之
執手相勉勞枋得曰上有堯舜下有巢由枋得名
姓不祥不敢赴詔丞相義之不强也二十五年福
建行省參政管如德將旨如江南求人才尚書留
夢炎以枋得薦枋得遺書夢炎曰江南無人才求
一瑕呂飴甥程嬰杵臼廝養卒不可得也紂之亡
也以八百國之精兵而不敢抗二子之正論武王
太公凜凜無所容急以興滅繼絕謝天下殷之後
遂興周並立使三監淮夷不叛武庚必不死殷命

必不黜夫女真之待二帝亦慘矣而我宋今年遣
使祈請明年遣使問安玉倫一市井無賴狎邪小
人謂梓宮可還太后可歸終則二事皆符其言今
一王倫且無之則江南無人才可見也今吾年六
十餘矣所欠一死爾豈復有他志哉終不行郭少
師從瀛國公入朝既而南歸與枋得道時事曰大
元本無意江南屢遣使使頓兵令毋深入特還歲
幣即議和無枉害生靈也張晏然上書乞歛兵從
和上即可之兵交二年無一介行李之事乃挈數
百年宗社而降因相與慟哭福建行省參政魏天

祐見時方以求才為急欲薦枋得為功使其友趙
孟達來言枋得罵曰天祐仕閩無毫髮推廣德意
反起銀冶害民顧以我輩飾奸耶及見天祐又傲
岸不為禮與之言坐而不對天祐怒強之而北枋
得即日食菜果二十六年四月至京師問太后攢
所及瀛國所在再拜慟哭已而疾迂憫忠寺見壁
間曹娥碑泣曰小女子猶爾吾豈不汝若哉留憂
疾使醫持藥雜米飲進之枋得怒曰吾欲死汝乃
欲我生耶棄之於地終不食而死伯父徽明以特
奏恩為富陽尉攝縣事時天基節上壽大元兵奄

至徽明出兵戰死二子趨進抱父尸亦死
論曰劉應龍不附賈似道馮去非不附丁大全潘
昉論皇子竝事坎壈以終洪芹訟吳潛偉哉趙景
緯醇儒也而無躁競之心徐霖進則直言於朝退
則講道千里徐宗仁國亡與亡異乎懷二心以事
其君者也危昭德經筵進對之言悉載諸故事陳
愷能以意氣感人楊文仲當搶攘之時猶能薦士
謝枋得欽崎以全臣節皆宋末之卓然者也

讀疊山北行詩跋

李養吾

此詩與西山易水之歌當並行余無段詳焉尔矣

顧公闔門死節皆甚偉公絕口不一言余不表而出之何以示天下與來世公季弟君澤游太學早有聲詩文推本色彗星應詔書尤絕出九江潰後惠余書曰署為立禮生宋仁悲哉其為志也公內儒家女諸父嘗甲科登朝若夫慷慨就義則甲科者視之劣矣澤因伯氏過康庠與謝章謀和議落人疑忌中械繫良文明朝事將決一夕暴卒二子從母遊金陵聞洶洶有異殷勤撫二子不忍釋子既熟寐解衣帶自經其長弟君烈伯姪同禍彌慘烈婦及子婦懼傷大夫人心不敢以凶服見夫人

見二婦不膏沐不言不笑曰將無大故乎又曰名義至此將何逃信與羅織之獄所親如薛如詹捐重貲得無恙閩人居亭曰虞氏為信所蹤跡竟殞深圖虞嘗注易沒齒無怨言獨行傳中人也凡稱公能死者非知公公不捐一死豈惟無以謝軍興將卒九原見家人復何顏獨怪江左多將相富連郡國澤及嬰孺雖肝腦塗地亦不足報所天居無何觀光上國廩人繼粟太官搗酒飲食醉飽如平時公何闔門自苦至此公二子亂離間力學自立能詞章仲既累父骨以歸藁葬昇東濠徒跣奉迎

俾復其土皆人所難者因憶太史公素疎宥至所謂得其當而報漢談何易哉何易哉公不免輕以三百口許人國危如綴旒命討俱盡誰得執司馬法而罪之或謂真宰者書公言之不酬而酬之以其言是則有未易解者余不敢沒其實併附見以俟知者評焉

祭謝疊山文

李仲泉

嗚呼疊山峭崿嶮屹直不可撓邪不可干洋洋晁董文亞孟韓發策危切措斥權姦運去物改忠憤裂肝十年通播閩嶠間關翕翕訛訛疾我謂頑執拘北往摧辱萬端絕粒自殞儉夫厚顏黃河為之嗚咽泰山為之悲酸鬼黯黯兮莫返旄翩翩兮來還嗚呼哀哉文山之沒也千載心為之斂尸而撫棺疊山予莫逆也予不能行于載心之所難相去遼隔惟呼冤而永嘆予將北遊誓當收兄骨於烟雲之間歸葬首陽狀公之行乞銘于當世大手筆

俾得與夷齊同傳庶千載之下可考者班班茲遣
兒稚一觴代奠西風老淚若不堪潸嗚呼哀哉尚
享才律反噴五九反

又

周岳

自商夷齊漢龔勝至先生不食異姓之粟而死者
僅四人夫有宇宙以來君臣大義亘萬古而常存
然畏死而貪祿者遷就附會自謂枉道而信身豈
知死重於生禮重於食出於人心羞惡之真况不
義之富貴特太空之浮雲惟忠臣義士一點烈烈
之氣與日月而常新但知先生文章之渾浩學問

之深醇嗟乎楊雄非無學問班蔡非無文章既大
節之一失又何他美之足云當天地大變之始法
已斁而綱淪先生奮不顧身欲扶人道之倫力雖
不能救世而心則常存乎君親以孔明子房自期
兮奈時無可托者以遂志之伸尋深山以隱子方
嘯詠乎落花啼鳥之春彼何為者謂麒麟之可羈
使同犬羊之馴駕赤虬以北征子眇六合於一塵
厭下上之腥兮呼吸月露以盪胸中之輪困絕粒
不食兮寧舍生以成仁一死得其所兮將以愧天
下後世二心之臣夷齊龔勝不得專美於前兮藹

百世之遺芬函骨歸自燕臺兮旅寓吳溪之濱凜
然如生兮其在天之神識與不識皆為流涕而况
其受罔極之恩第質弱才薄安知如房杜王魏輩
異時無負於河汾之門隻鷄斗酒致奠兮一以哭
宗社一以哭斯文尚享

褒崇忠節奏詞

山東道監察御史臣李奎謹

題為褒崇忠節事臣聞忠節乃萬世之大閑褒崇
實

朝廷之盛典自三代以迄宋元忠臣烈士清風偉

節足以感發人心千萬載昭昭如一日者皆由英
君誼辟舉褒崇之典或立祠致祭或定謚追封不
忍使之泯沒無聞於後皆所以正人心厚風俗扶
植綱常激勸士類為世道計也今考得宋忠臣謝
枋得字君直號疊山係臣原籍江西廣信府弋陽
縣人按宋史列傳及集賢李道源所撰墓碑稱其
學通六經淹貫百氏寶祐丙辰舉進士以直言忤
權奸賈似道由架閣令謫居興國軍連以史館秘
書召召不赴元兵至江南宋趙葵宣撫江東西辟為
屬尋授江東提刑江西招諭使督義兵守饒信撫

三郡屢與元兵戰甚力以兵少弗支宋連旣革往
隱於閩元侍御史程鉅夫薦宋遺臣三十人以枋
得為首承旨留夢炎累章薦之江西行省丞相管
如德浙江行省左丞蒙古台將旨召之俱不起累
致書力辭忠義之語出自肺腑後福建行省叅政
魏天祐欲以薦枋得為功枋得見天祐傲慢不為
禮被拘執北行至大都乃不食而死妻李氏守節
自縊於建康獄中長弟禹在九江以不屈斬於市
季弟君烈君澤俱死於國事伯父徽明為當陽尉
與元兵戰死二子趨進抱父屍死子定之賢而文

累薦不起一門之內秉忠守節視死如歸皆由枋
得身教於家使然也為文章史稱高邁奇絕汪洋
演述動關世教所著易詩書三傳及著解四書雜
著詩文六十四卷節操孤峭微見於菖蒲之歌言
論激烈復形於漕運之策嘗自誦曰清明正大之
心不可以利回英華果銳之氣不可以威奪其自
信率類此昔胡一桂嘗稱之曰斯文倚之為命脉
衣冠賴之以綱維義夫節婦得所矜式而益堅亂
臣賊子有所觀望而羞愧道德之興廢關係於先
生之一身然臣弋陽自歷代以來擅道學中節之

名登後學之景慕者獨枋得一人而已及求諸天下稽諸往古能如謝氏夫婦伯弟死忠死節萃於一門亦不多見妻李氏永樂初已蒙

朝廷登載烈女傳足以垂耀不朽奈枋得祠宇未立封謚未加後人無所稱仰實為缺典欽惟

皇上以節義風厲天下以忠孝植立綱常凡古今忠臣烈士義夫節婦有關於世教者悉蒙

旌褒况枋得為近代忠臣忠肝義膽與金石同堅

高名峻節與文天祥相表裏著書立言皆足發明

正學羽翼六經推其道足以隆治而善俗聞其風

可以立懦而厲貪誠一代忠節之表表最著者如

蒙

准言乞

勅禮部照例將已故謝枋得定謚褒贈仍行原籍有司創立祠宇歲時致祭如是非特慰忠義之魂於九泉原冥漠之中尤見

聖朝旌忠顯良之盛典超越前古使海內之士得

以瞻拜祠下景仰風節莫不有所激勸興起其於

世教豈不有補哉臣與枋得生同鄉邑每歷景慕

今幸職居言路不容緘默千冒

天威無任戰慄屏營之至

壘山集卷之十六

重刻壘山先生文集後叙

事可傳諸不朽而歆止夫人心者維文與行而已矣
傳曰大上有立德其次有立功其次有立言雖久不
廢若壘山先生謝公者非所謂不朽者邪先生節義
勛庸彪炳史籍傳播天下莫不趨然思奮况弋邑又
公之故鄉餘澤遺文流布未艾其漸漬感激將不益
深矣乎賢幸承乏茲土蒞政之初瞻拜公祠心竊慕
焉既而閱故籍得公遺集而諷誦之又竊慕焉欲廣
布於人人使因公之文以興起其德義爰購舊刻猶
獲有存者蓋昔之里彥潭石黃公溥雅重公誼編輯

梓行而藏諸其家顧年久板多殘毀磨滅弗可記識
遂會縣博士涂君勳福君應璧穆君旺參伍校讐鳩
工翻刻之以公其傳夫存遺集而世守者鄉人景德
之誠也校刻而傳之咸俾因文以淑行者有司任風
教之責也賢不敏不敢以風教之責自諉而尤樂夫
鄉人景德之誠不衰故相與翼勵表章之振起乎鄉
邑以用光于前休於戲苟使興起之善非止於一鄉
一邑達之天下皆若而人處則孝友成俗出則忠盡
事君平居則犯顏敢諫脫遇危難則伏節而死義不
徒怙勢術文殉名滅性則茲集也庶幾其不朽也夫

嘉靖丁酉歲秋七月既望後學古姚黃齊賢汝思拜
書

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十
---	---	---	---	---	---	---	---	---	---	----	----	----	----	----	----	----	----	----	----

同

藏



